

STYREMØTE 14.03.2016 TIUR'N KRO

Tilstades: Martin Mostue, Hans Bondal, Per- Joar Os Nesthun (vara for Kjell Eierholen), Ulf Skaarholen (kasserar), Eva Linn Hove Bergset (sekretær),

Sak 1. Høyring i forbindelse med satsar for tidleg sinking og heimebeiting.

Martin har gjort dette sjølv pga. kort frist og har kravd: 2 kr/dag meir for tidleg- sinking og 100 kr/dag meir for heimebeite.

Sak 2. Erfaringar frå felles årsmøte.

Kom litt på hælane sidan styret ikkje fekk til å møtast tidlegare enn vi gjorde. Og litt bakpå m.h.t. kopieringa. Elles var felles årsmøte bra sjølv om det er litt langt å reise. Styret er einige i at felles årsmøte er positivt. Det er kome tilbakemelding frå lokallag om det same.

Kostnadane i år blir på ca. kr. 18000 + fellesutgifter. Dersom det er behov for å spare pengar burde ein kanskje vurdere å ha fellesmøter annakvart år og ikkje kvart år.

Sak 3. Val av Geiterepresentant, Værringrepresentant, Gjetarhundrepresentant

Geiterepresentant: skal vere kontakt mellom HSG og Fagråd Geit.

Hans Bondal einstemmig valt.

Værringrepresentant: sit i styret i værringen.

Mona Malvik Arntzen einstemmig valt.

Gjetarhundrepresentant:

Ola D. Gløtvold einstemmig valt.

Sak 4. Gjennomgang av arbeidsplan og effektuering av denne

Arbeidsplan for styret i 2016

- a) **Fjøsbesøk sau mars- april** – hos Jo Agnar Hansen. Blir ein av dagane rett etter påske. HSG vil ønske å få det til den 2. april. Nortura står for bevertning. Utstilling av leverandørar. Gjetarhundoppvisning. HSG vil prøve å få satt opp ein buss sørfrå.

Bør ta med nokre roll- ups og litt materiell. Drive med litt medlemsverving.

Gjetarhundlaget ønsker å få til eit styremøte i saman med HSG i tilknyting til dette. Styret vil sjå om det er mange nok som kan kome denne dagen til at ein kan få dette til.

- b) **Fjøsbesøk geit mars- april:** Kanskje like aktuelt å ha eit infomøte i tilknyting til ein sæterdag.

- c) **Markdag forsommar:** Sidan det blir fjøsbesøk i nord bør vi kanskje ta dette i sør. Bruk av drone kan vere aktuelt tema. Kan evnt. kombinerast med oppvisning i gjetarhund. Må vere enkelt å få til bevertning. Må sjekke ut kor det evnt. er lovleg å køyre drone. Kan evnt. ta noko om lovverket i forbindelse med ein slik demonstrasjon. Aktuelt område Mattisrud.
Aktuelle foredragshaldarar : Lisbeth Hekton- snyltarbekjemping, Norsk droneforening eller Tormod Skramstad.
- d) **Tur på Staur oktober/november**
- e) **Fortsette arbeidet med å auke inntekter av reklame på heimesida:** Ulf har fleire aktuelle kandidatar å prate med angåande sal av reklame på heimesida. Martin ber Ulf ha dette arbeidet som prioritert. Dette vil nok ta tid, men då får ein heller ta meirkostnaden med dette.

Må passe på så at vi ikkje tråkkar lokallaga i næringa m.h.t. reklame.

- f) **Medlemsverving:** Gulrot- skal ein premiere lag eller personar og kva premie skal ein ha? Styret avgjer å premiere det laget som har auka med flest medlemmar frå eit år til neste. Premie blir ein vandrarpokal som går på evig runddans der ein graverer «vinnaren» inn kvart år. Leiari skriv eit skriv til lokallaga ang. dette.
- g) **Arbeide opp mot lokallaga for å krympe "dørstokkmila".**
Eit lokallag har vedtatt å legge seg sjølv ned. Ulf har gjort ein jobb med dette. Leiaren har slutta med sau og det er ingen som vil ta over. Få medlemmar i laget. Det er potensiale i å få fleire medlemmar i området. Det kan og vere aktuelt å evnt. slå saman lokallaget med eit anna. Det er truleg same problemet i andre lokallag. Dersom leiariene ikkje gjer jobben sin rundt i lokallaga stoppar alt opp. Det står og oppført leirarar i lokallag som ikkje er medlem.

Nokre få lokallag er ikkje medlemmar i Brønnøysund. Dette bør alle vere m.h.t. tilskot. Truleg 4 lag som ikkje er meldt inn i Brønnøysund.

Mange lokallag slit med å halde aktivitetene oppe. Det er viktig at fylkeslaget tek tak i dette og prøver å få ein tettare kontakt med lokallaga slik at dei kan kjenne meir på kroppen kvar skoen trykker. Martin har satt opp ei fordeling av lokallaga på styrerepresentantane. Lokallagskontakten har ansvar for å halde kontakt med sine respektive lokallagsleiariar heile året i gjennom og er lokallagets kontaktperson i fylkesstyret.

Fordeling av lokallaga:

Mona - Kvikne, Alvdal, Tolga, Os, Rendalen
Hans- Sollia, Folldal, Åmodt, Stor- Elvdalen
Kjell (Per- Joar)- Ringsaker, Løten og Vang, Elverum
Ola D- Engerdal, Trysil, Grue, Tynset, Eidskog
Martin- Romedal og Stange, Odal, Øvre Solør, Kongsvinger

Kontakten opp mot lokallaga startar med ein gong ved at styret tek kontakt med alle lokallagsleiariane pr. telefon. Tema som alle skal innom i løpet av samtalene er:

- Spørje om det er halde årsmøte og om det er endringar i styret. Er endringane evnt. sendt inn? (Årsmøtereferat og skjema for endring i styresamsetning skal

sendast til NSG sentralt med kopi til fylkessekretæren) Lokallag kan klare seg med 3 i styret – leiar, nestleiar og kasserar.

- Spørje om det er interesse for medlemsmøter ang. FKT- prosjektet med Per Fossheim. Fylkeslaget kan organisere at det blir danna 2-3 medlemsmøter med Per Fossheim i løpet av året.
- Orientere om medlemsvervinga. (Her blir det og sendt ut eit skriv frå Martin)
- Minne lokallagsleiarane på at ein må få registrert e-postadressene til medlemmane på mi side. (Dette kan lokallagsleiarane gjere sjølv eller ein kan sende ei samla liste med e-postadressene inn til NSG sentralt)
- Spørje om aktivitetar og planar framover i lokallaget. (Lokallagsansvarleg skal følgje opp at det som er planlagt blir utført. Dersom det er planar om medlemsmøter framover kan evnt. fylkeslaget bidra noko i høve til det.)
- I løpet av samtalen må det skinne gjennom at fylkeslaget kan vere behjelpelege på fleire måtar.
- Har lokallaget noko spørsmål?
- Dersom lokallaget ikkje er meldt inn i Brønnøysundregisteret bør dette gjerast

Sak 5. Eventuelt

Opprettning av kasserarmail: Eva Linn har ønske om at det vert oppretta ein eigen kasserarmail slik at det blir meir ordna forhold i høve til kven som svarar på og sender ut ulike mailar. Litt utfordrande å halde oversikt over kva det er forventa sekretæren skal ta ansvar for og kva andre tek ansvar for når det er fleire som er inne å svarar på mail og sender/vidaresender mail frå sekretærmailen utan å informere om det. Vanskeleg å vite kva som skal takast vare på. Mailen til NSG er svært utsatt for spam. Det er derfor meir brukarvennleg å få vidaresendt mailen frå sekretærmailen til ein annan e-postkonto. Det tek då uforholdsmessig lang tid å sjekke mail når ein etter å ha lese mailen på eigen e-post så må logge seg inn på sekretærmailen for å sjekke utboksen der for å finne ut om det er nokon som har svart evnt. gjort noko med den innkomne e-posten. Konklusjonen blir at ein prøver å få oppretta ein kasserarmail. Ledaremailen til Martin er og truleg snart oppe og går.

E-post funksjonen på mi side: Burde og sett på om det er mogleg å få e-post funksjonen på mi side til å fungere. Det er ofte meir hensiktmessig å sende e-post som skal ut til alle medlemmane direkte til medlemmane og ikkje via lokallagsleiarane. Ein del e-post stoppar nok opp hos lokallagsleiarane og når ikkje ut til alle medlemmane. Det hender og at det er viktig å nå flest mogleg på kortast mogleg tid t.d. sprayfo-saka i fjar. Det er då lite gunstig at e-posten skal vidaresendast i fleire ledd for å kome fram til alle mottakarane. Skal denne funksjonen fungere må alle e-postadressene vere registrert. Det vart sendt ut mail til alle lokallagsleiarane i fjar om at dette måtte gjerast, men det er nok ikkje alle som har fått med seg dette. Det er og nokre andre problemstillingar som må løysast før denne funksjonen fungerar optimalt.

Resolusjonen – Det grønne skiftet betinger en ny rovdyrpolitikk

Det blir ikkje sendt ut nokon felles resolusjon saman med Akershus SG og Oppland SG.

Eva Linn sender resolusjonen vedtatt av årsmøtet til Næringskomiteen og Klima- og miljøkomiteen, alle dei politiske partia på Stortinget og til parlamentarisk leiar og til alle dei politiske partia på fylkesnivå. Resolusjonen sendast og Bondelaget og Bonde- og Småbrukarlaget.

Resolusjonen blir og sendt som ope brev til landbruks- og matminister Jon Georg Dale og klima- og miljøminister Vidar Helgesen til avisene: Arbeidets rett, Østlendingen, Hamar Arbeiderblad, Glåmdalen, Ringsaker blad, Nationen, Stangeavisa. Blir og sendt til NRK lokalradioen Hedmark og Oppland.

Martin ber om at resolusjonen blir sendt ut i dag (14.03.2016.)